

nem, Fridericum, Rupertum, Ludouicum, Iohānem & Stephanum. Rupertus in ipso iuuentutis flore obiit, reliqui uero fratres inter se diuiserūt patris ditionem. Ludouicus factus est elector, habuitq; uxorem filiam regis Cypri, & fuit executor concilij Constantiensis. Ottoni obuenerunt Mospach & Numarckt, sed in filio eius Ottone nomine, defecit hęc linea. Porro Friderico tulit fors Ambergā Bauarię ciuitatem, mortuusq; est sine herede. Iohanni cessit in hereditatem Nuenburg oppidum Bauarię, & is reliquit filium nomine Christophorum, qui factus est rex Danię, & obiit sine prole. Stephano obuenerit Zweibrucken cum annexa ditione, ductaq; Anna hęcde comitatum Veldentz & Sponheim, genuit Ludouicum & Fridericum. Ludouicus, cognominatus niger, possedit Zweibrucken & Veldentz. Fridericus uero in possessionem accepit Siemern & comitatum Sponheimensem. Huic Friderico successit filius Iohannes, Rupertus uero alter filius, factus est episcopus Ratisponēsis. Iohanni successit filius Iohannes, qui nostro æuo ducatu præsudet, uir admirandi ingenij, & plurimis naturę dotibus conspicuus. Porro Ludouicus elector genuit Ludouicum et Fridericū. Ludouicus genuit ex filia ducis Subaudię Philippum in ipso iuuentutis flore, moriensq; reliquit fratrem filij tutorem & principatus rectorem. Philippus factus uir successit patruo, genuitq; multos filios, ex quibus primogenitus Ludouicus hodie principatui præsudet. Hęc fortassis prope diem in germanica lingua latius describemus.